

Krav om lovlegkontroll etter kommunelova § 59

Formannskapet i Vaksdal kommune gjorde slikt vedtak i sak 59/18 i møte 03.09.2018

FPØ - sak 59/2018 Vedtak:

Formannskap/plan- og økonomiutvalet set ned ei partssamansett arbeidsgruppe som skal greie ut kostnadsreducerande tiltak som er berekraftige for kommunen i framtida. Arbeidsgruppa vert etablert for 2 år og skal rapportere til formannskapet i kvart møte.

Mandat for arbeidsgruppa

- Med utgangspunkt i økonomiplanen skal arbeidsgruppa greie ut kostnadsreducerande tiltak på kort og lang sikt. Tiltaka skal minst gje ei drift i samsvar med kravet til netto driftsresultat.
- Arbeidet i gruppa skal vera kunnskapsbasert og tiltaka som vert lagt fram for formannskapet skal vera forsvarleg utgreidd og dokumentert. Heilskapen i kommunen sine oppgåver skal ivaretakast.
- Arbeidsgruppa skal rapportere om pågåande arbeid og framdrift i kvart formannskapsmøte.
- Framlegg til tiltak vert lagt fram for formannskapet i samband med budsjett og økonomiplan.
- Referat og oversikt over pågåande arbeid skal gjerast offentleg tilgjengeleg

Frå formannskapet vert vald 3 personar:

1. Ordførar som vert saksordførar
2. Jan Erik Bernes Roe
3.

Leiar i eldrerådet vert med i gruppa.

I tillegg går det fram av saka til formannskapet (sjå vedlegg) at det skal veljast eit medlem frå Levekårsutvalet.

I saksframlegget framgår det ikkje om dette arbeidsutvalet vert oppretta etter § 10 i kommunelova eller § 25 (partssammensette utval)

Er dette eit § 10 utval står det i kommunelova at dette ligg til kommunestyret. I delegasjonsreglementet til Vaksdal kommune kan ein og lese:

Kommunelova avgrensar kva kommunestyret kan delegere til andre. Her er eit utdrag av dei viktigaste punkta,

- Opprette og legge ned faste utval og fastsette området for verksemda til desse.

Underskrivarane stiller spørsmål om dette utvalet som er oppretta for to år er å rekne som fast utval eller ikkje. Vi reknar dette (gitt lengda på oppdraget) at dette må reknast som eit fast utval og skulle vore oppretta av kommunestyret.

Det vart og frå Ap sine representantar i møtet argumentert for at utvalet burde først veljast for eit år deretter for to år om gangen i ny valperiode. Dette vart det ikkje votert over, men syner at fleirtalet tenker at dette er eit fast utval.

Vaksdal kommune har eit administrasjonsutval (partssammensett utval) Dei siste åra har dette utvalet hatt omlag eit møte i året. Dette utvalet er oppretta etter kommunelova § 25 som seier:

1. *Det skal i alle kommuner og fylkeskommuner opprettes ett eller flere partssammensatte utvalg – administrasjonsutvalg – for behandling av saker som gjelder forholdet mellom kommunen eller fylkeskommunen som arbeidsgiver og de ansatte. Utvalg etter første punktum kan erstattes med andre ordninger dersom dette får tilslutning fra minst tre fjerdedeler av de ansatte.*

2. *Administrasjonsutvalget sammensettes av representanter for kommunen eller fylkeskommunen og de ansatte. De ansattes representanter velges av og blant de ansatte for to år av gangen. Flertallet i utvalget skal bestå av representanter for kommunen eller fylkeskommunen. Kommunestyret og fylkestinget velger selv kommunens eller fylkeskommunens representanter og utvalgets leder og nestleder blant disse.*

Om dette partssammensette arbeidsutvalet vert oppretta etter kommuneloven § 25 kjem underskrivarane til same resultat. At det er kommunestyret som har mynde – ikkje formannskapet til å opprette eit slikt organ. I høve Kl. § 25.2 ser ein og retningslinjer for korleis eit slikt organ skal vere samansett.

I vedtaket til formannskapet slik det er formulert, usikkert kven som er medlem. Utover dei to namngjevne politikarane og funksjonen «Leiar av eldrerådet» og rådmann går det ikkje fram kven frå administrasjonen som er valt inn i utvalet.

Det einaste underskrivarane med dette kan finne ein form for logikk med er at dette vert eit «ad-hoc» utval etter kommunelova § 10.5, men då stiller ein seg spørsmål om dette er mogleg å opprette for to (2) år?

Underskrivarane ser det som særst uheldig at det på økonomiområdet vert flytta politisk makt frå folkevalde til ikkje folkevalde og meiner dette og strir med delegasjon av saker av prinsipiell tyding og som kan ha store økonomiske konsekvensar. Underskrivarane stiller seg og spørjande til om kvifor ikkje administrasjonsutvalet si samansetning hadde vore meir tenleg all den tid at det er gjort eit poeng frå rådmann og politisk fleirtal og «ha med dei tillitsvalde»

Offentlegheit.

Etter underskrivarane si meining er dette uansett må vere å rekne som eit utval oppretta i høve kommunelova. Det går ikkje fram av saka korleis dette utvalet skal arbeide og vi vil be om at kommunestyret/fylkesmannen ser til at:

1. Møta vert annonsert i god tid.
2. Møtetidspunkt gjer det mogleg for presse og andre interesserte å følgje møta.
3. Det vert ført referat frå møta.
4. Om møta skal lukkast skal det heimlast i lov.

Tilhøvet til dei tilsette.

Det vart i møtet 03.09.2018 etterspurd dokumentasjon på om dei tilsette sine representantar i kommunen hadde vore førespurd. Dette var ikkje ein del av saka. Munnleg fekk vi svar på at dei tilsette har sagt ja til denne saka, men det er ikkje framlagt dokumentasjon på dette.

Underskrivarane er bekymra for forholdet til demokrati, offentlegheit og moglegheit for innbyggjarar å følge den politiske sakshandsaminga gjeldande kommunen sin økonomi.

- Formannskapet har alle sine møter på dagtid, desse vert ikkje streama eller gjort tilgjengelege på anna vis.
- Økonomiseminar for formannskapet vert alltid lagt ut av kommunen, med liten moglegheit til å følgje møta.
- No vert det oppretta eit arbeidsutval med liten representativitet, Høgre, MDG, Frp og SV er ikkje representert i arbeidsutvalet (4 av 7 parti) i kommunestyret. Høgre og SV har takka nei til å sitte i utvalet, i det ein oppfattar som ein gisselsituasjon med kun representasjon av eit medlem frå dei fire opposisjonspartia.
- Det er usikkert korleis offentlegheit vert gjort gjeldande for utvalet. Vaksdal kommunestyre har tidlegare lagt ned alle ad-hoc komitear med dette som bakteppe.

Kvar for seg gjer desse punkta det vanskeleg for innbyggjarar og andre å følgje politiske avgjerder spesielt på økonomifeltet. Samla gjev desse punkta ei stor bekymring for politikk i lukka rom. Ved å flytte formell makt ut av faste utval i kommunen, som formannskap, kommunestyre, levekårsutval og administrasjonsutval gjer ein det vanskelegare for media og innbyggjarar å følgje med, sjølv om rådmannen legg opp til å utarbeide ein «kommunikasjonsstrategi» for dette utvalet.

For SV, Kjartan Haugsnes

For Mdg, Tom Charles Johnsen

For Høgre, Bjørn Roald.

For Høgre, Anneli Vatle Lilletvedt

Kommunestyrerepresentantar i Vaksdal kommune